



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/13-04-6862/21
Sarajevo, 30.11.2021. godine

GRAD SARAJEVO - GRADSKO VIJEĆE
n/r gradskih vijećnika

Predmet: Mišljenje na Amandman na Prijedlog Odluke o načinu sticanja statusa udruženja i fondacija od posebnog značaja za Grad Sarajevo, veza akt broj: 01-GV-04-1532-1/21, od 29.11.2021. godine

U skladu sa članom 124. stav (3), dostavljam Mišljenje na predmetni Amandman gradskog vijećnika Srđana Srdića, te kao ovlaštenu predlagač Prijedloga Odluke o načinu sticanja statusa udruženja i fondacija od posebnog značaja za Grad Sarajevo, navodim razloge za neprihvatanje predmetnog Amandmana:

Gradsko vijeće Grada Sarajeva je, na 6. sjednici koja je održana 29.09.2021. godine, utvrdilo Nacrt Odluke o uslovima i načinu sticanja statusa udruženja i fondacija od posebnog značaja za Grad Sarajevo i donijelo Zaključak o provođenju Javne rasprave broj: 01-GV-02- 1139/21.

Tokom javne rasprave, u trajanju od 30 dana, nije bilo primjedbi, prijedloga i sugestija na Nacrt Odluke, te su se stekli uslovi da Gradsko vijeće Grada Sarajeva razmatra Odluku u formi prijedlog i pristupi njenom donošenju.

Amandman koji je na ovaj Prijedlog Odluke dostavio gradski vijećnik Srdić, a odnosi se na uvrštavanje pojmova „umjetničkog, olimpijskog i sportskog“ u pojedine odredbe, prije svega cijenimo dobronamjernim i podnesenim sa neupitnom težnjom da posluži poboljšanju akta/Odluke koju donosimo.

Ipak, mišljenja smo da Amandman nije funkcionalan, obzirom da nabrojanjem pojedinih segmenata iz opšteg pojma KULTURA, kao što su predloženi „umjetničkog, olimpijskog i sportskog“, može dovesti do neželjenog pogrešnog shvatanja i nepotrebnog iscrpljivanja samog pojma, te tako nehtijući, kontraproaktivno djelovati i postati ograničavajući za provedbu same Odluke i umjesto sveobuhvatnog i afirmativnog pristupa, imali bismo selektivno vrednovanje, što nikako nije cilj donošenja ovog propisa.

Nadalje, ne treba zaboraviti da je i sportska kultura ugrađena u pojam KULTURA, kao i umjetnička, olimpijska... i sve je to u krajnjoj liniji, kultura življenja urbane metropole, što naše Sarajevo i jeste.

Podsjećanja radi, važeći su i na snazi određeni propisi Grada Sarajeva koji se posebno odnose na oblasti kulture i sporta i to Odluka o načinu provođenja javnog interesa Grada Sarajeva u oblasti sporta („Službene novine Kantona Sarajevo“, broj 05/06), te za manifestacije od posebnog interesa za Grad Sarajevo, iz oblasti kulture i sporta – Odluka o utvrđivanju i načinu sufinansiranja sportskih manifestacija od posebnog interesa za Grad Sarajevo i Odluka o utvrđivanju i načinu sufinansiranja kulturnih manifestacija od posebnog interesa za Grad Sarajevo („Službene novine Kantona Sarajevo“, broj 10/19).



Dakle, Odluka o načinu sticanja statusa udruženja i fondacija od posebnog značaja za Grad Sarajevo ima za cilj da, pored ostalog, unutar civilnog društva, uz **uobičajenu saradnju na osnovu već važećih odluka Gradskog vijeća** i s njima u vezi propisanih procedura, uspostavi i dodatni, poseban vid saradnje sa onim organizacijama za koje se cijeni da su i zbog svoje izvrsnosti u onome što rade, od posebnog interesa za Grad Sarajevo.

**GRADONAČELNICA
GRADA SARAJEVA**

Doc.dr. Benjamina Karić, s.r.

Gradska služba za lokalnu
samoupravu i razvoj grada

Pomoćnica gradonačelnice

Dragana Solaković, dipl.iur.